



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 89. Sicilia a Turcis incassum invasa.

[urn:nbn:de:hbz:466:1-66444](#)

Sæcul. XV.
A.C. 1488.

omnibus thesauris, sūsque subditis, qui eum comitari vellent, in Africam sedere; id quoque illi datum est, deprecante pro eo Isabella Regina, illud ipsum quoque suadente magno Consalvo; igitur Maurorum Rex aliquot post diebus excessit, in Hispaniam nunquam reversus: abeuntem comitabantur tria aut quatuor ferme millia Maurorum, qui vel opulentia, vel inter Proceres nobilitate generis, ac dignitate ceteris prævalebant. Nihil igitur ultra Ferdinandi victoriis deerat, quam Granata, ac nonnullæ aliæ minoris nominis vicinæ urbes; quas tamen omnes succedentibus annis armis suis subjecit.

§. LXXXIX.

Sicilia a Turcis incassum invasa.

Surita l. cit. Ingens summi Pontificis gaudium ob
c. 79. præclaros Ferdinandi triumphos tur-
Bosi. part. 2. bare videbantur hostilia Bajazethis moli-
lib. 14. mina aduersus Siciliam: Novum tamen
Sabellio. lætitiae argumentum Innocentio suppe-
Enn. 10. 1. 8. ditabat felix, saustusque nuncius, quo Sultanum re infecta ex Insula recessisse compererat; inde enim summus Pontifex anxiis exirebatur curis, quibus ob formidandum Turcarum bellicum appa-
ratum cruciabatur. Porro idem Baja-
zethes in Ciliciam cum exercitu centu-
milli-

millibus, & amplius valido irruptit, nec ~~Sacul.~~ XV:
 tamen prosperum magis successum ha- A. C. 1488.
 buit; quippe eodem, quo Alexander ma-
 gous cum Dario conflixerat, loco Si-
 num Istricum inter & Amanum montem,
 qui Syriam a Cilicia separat, cruentam
 non minus ac pertinacem pugnam con-
 seruit. Nec minus infelix fortuna affli-
 xit Bajazethis classem, quæ ad de-
 vastandam Syriæ oram vela fecerat; hæc
 enim procellis, ventisque jactata, partim
 scopulis allisa, partim fluctibus submersa
 perit. De tantis adversæ fortunæ casib-
 us Petrus Albussonius Magnus Rhodio-
 rum Magister literis quarta Septembribus
 die datis, summum Pontificem certio-
 rem fecit, simulque significavit, Bajaze-
 them Ægypti Sultano bellum nunciasse,
 eoque hic Zizimum protegeret, postea
 subjunxit Albussonius, Rhodum adveni-
 se non minus Bajazethis quam Sultani
 Oratores, eosque amplissima quæque pol-
 licitos esse, dummodo Equites aut hujus
 aut illius partes tuendas suscipere ve-
 lunt, illis vero ab Equitibus in responsis da-
 tum, quod Ordinis Magister neutri parti
 favere decrevisset, & quidem eo fine, ut
 hoc pacto mutuae inter hosce Barbaros
 discordiae magis magisque augerentur.

§. XC.